

ԱՅՈՒՆԻՔԻ ԻՇԽԱՆԱԿԱԼ ՏՈՒՆԸ 8-ՐԴ ԴԱՐՈՒՄ

8-րդ դարի Սյունյաց իշխանական տան վերաբերյալ սկզբնաղբյուրները սակավ են: Հողվածում ամփոփ ներկայացրել ենք 8-րդ դարի սկզբներին Սյունիքում իշխած իշխանների կառավարման մոտավոր ժամանակացույցները, որոնց մասին ոչ ամբողջական տեղեկություններ են հաղորդում Ստ. Օրբեյանը, Մ. Կաղանկատվացին: Պատմական տեղեկությունների համեմատական քննության արդյունքում փորձեցինք մոտավոր ճշտությամբ կազմել նաև Սյունիքի 8-րդ դարի իշխանների անվանացուցակը և նրանցից մի քանիսի կանանց՝ իշխանական տոհմերի պատկանելության հարցը:

Բանալի բառեր՝ Սյունիքի իշխանական տուն, կառավարման տարիներ, 8-րդ դար, ժամանակագրություն, հիշատակել, անվանացանկ:

Սյունյաց իշխանական տան 8-րդ դարի վերաբերյալ սկզբնաղբյուրները բավական սակավ են: Սյունյաց իշխանների ցանկը թվարկելիս Սյունյաց տան պատմիչ Ստ. Օրբեյանը Հովհանից հետո հիշատակում է **Քուրդոյին**, որը իշխել է 8-րդ դարի սկզբին¹: Նրա կառավարման թվագրությունը չպետք է դժվարություն հարուցի, քանզի Օրբեյանը, նշելով Բաբիկից հետո կառավարած Սյունյաց իշխաններին, որոնք թվով 20-ն են՝ ներառյալ Քուրդոն, տալիս է 332 տարվա ժամանակաշրջան ²: Ինչպես հայտնի է, Բաբիկը կառավարել է պարսից Շապուհ II արքայի 68-րդ տարում և իշխել 21 տարի (377-398)³: Ուստի առանց դժվարության կարող ենք պարզել Քուրդոյի կառավարման վերջին տարին՝ 398+332=730: Քանի որ Օրբեյանը Քուրդոյին տալիս է 18 տարվա իշխանություն⁴, ապա կստանանք 712-730 թթ.: Սակայն, հիմք ընդունելով Օրբեյանի թվարկած 20 իշխաններին հատկացրած կառավարման տարիները, ստանում ենք այլ թիվ՝ 311: Կարծում ենք, 332 տարվա մեջ պետք է հաշվել նաև Բաբիկի 21 տարվա իշխանությունը և իսկապես կստանանք 332 թիվը: Այս դեպքում Քուրդոյի իշխանության տարիները կլինեն 691-709 թթ.: Քուրդոյի կառավարման համար գրեթե նույն տարեթիվն է նշում նաև Դ. Ալիշանը՝ նրա կառավարման տարիները նշելով 693-712թթ.⁵: Մ. Բրոսսեն Քուրդոյի իշխանության վերջին տարին համարում է 710թ.⁶: Նշենք նաև, որ Ստ. Օրբեյանի աշխատության 1986թ. հրատարակության ծանոթագրության մեջ Ա. Աբրահամյանը թվագրումը կատարել է Բաբիկի իշխանության վերջին տարուց սկսած⁷:

Այնուամենայնիվ, համակարծիք ենք, որ տարեթվի ճշտման կարիք կա, քանի որ դրանով վերջնականապես կճշտվեն Սյունյաց ոչ միայն մինչև 8-րդ դարը իշխած իշխանների կառավարման տարիները, այլև՝ մինչև 9-րդ դարի

1 **Օրբեյան Ստ.**, Սյունիքի պատմություն, Եր., 1986, էջ 96:
2 Նույն տեղում, էջ 96:
3 Նույն տեղում, էջ 94-95:
4 Նույն տեղում, էջ 96:
5 **Դ. Ալիշան**, Սիսական, Վենետիկ, 1898, էջ 13, 17:
6 Histoire de la Siounie par Stephanos Orbelian; traduite de l'armenien par M. Brosset, premier livraison, Histoire de la Siounie, Saint-Petersbourg, 1864, p. 32.
7 **Օրբեյան Ստ.**, Նշվ.աշխ., էջ 427, ծանոթ. 518:

սկիզբը՝ Վասակ Նահապետը կառավարած իշխանների թիվն ու նրանց գործունեության ժամանակաշրջանը:

Սյունյաց տան հետագա իշխանների մասին վկայությունները սակավ են: Օրբեյանը հանգամանորեն ներկայացրել է 821թ. դեպքերի նկարագրությունը և Վասակ Նահապետի ու նրա սերունդների մասին տեղեկությունները: Այսպիսով՝ ակներև է 80-90 տարվա բացը: Պետք է նշել, որ 8-րդ դարը հայոց պատմության ամենաքիչ լուսաբանված ժամանակաշրջաններից մեկն է: Այս շրջանի վերաբերյալ, չհաշված Ղևոնդի «Պատմությունը», բավական կցկտուր տեղեկություններ են հաղորդում միջնադարյան մեր մյուս պատմիչները: Օրբեյանը նշում է, որ Քուրդոյից հետո իշխել են 2-3 իշխաններ, որոնց անուններն անհայտ են¹:

Արաբ մատենագիրների տեղեկությունների համաձայն՝ Սիսականի իշխանի դուստրը 703թ. գերի տարվեց Ասորիք²: Այստեղ նրա հետ ամուսնացավ Ուսայո իբն Չաֆիր ալ-Սուլայմը: Նրանց որդին էր Յազիդ իբն Ուսայո ալ-Սուլայմին, ով Հայաստանի ուստիկան է նշանակվել 3 անգամ՝ 752-754, 759-770, 775-780 թթ.³: Նա 8-րդ դարի երկրորդ կեսի Արաբական խալիֆայության ամենանշանավոր զորավարներից մեկն էր, բազմաթիվ անգամ աչքի էր ընկել Բյուզանդիայի և իսլամների դեմ մղված պատերազմներում: 759/60թ. Յազիդ իբն Ուսայոյը խալիֆ Աբու Չաֆար ալ-Մանսուրի (754-770թթ.) թելադրանքով ամուսնանում է իսլամների խաքանի Խաթուն անունով դստեր հետ⁴: Սակայն 2 տարի և 4 ամսվա ամուսնությունից հետո անսպասելիորեն մահանում են Խաթունը և նրա 2 որդիները՝ մեծ վիշտ պատճառելով Յազիդին⁵: Նա 753թ. Հայոց իշխան է նշանակել Սահակ III (753-775թթ.)⁶ Բագրատունուն: Հայաստանի ոստիկաններ նշանակվեցին նաև Յազիդ իբն Ուսայոյի երկու որդիները՝ Խալիդ և Ահմադ: Խալիդ իբն Ուսայոյը Հայաստանի ոստիկանն էր 794թ⁷, իսկ Ահմադ իբն Ուսայոյը Հայաստանի ոստիկան է նշանակվել 2 անգամ 796-797 և

1 Նույն տեղում, էջ 254:

2 Օտար աղբյուրները Հայաստանի և հայերի մասին, Արաբական աղբյուրներ Գ, Արաբ մատենագիրներ Թ-Ժ դարեր, խալիֆա իբն Խայյաթ, Պատմություն, էջ 148, Բալազուրի, Երկրների նվաճումը, ներածությունը և թարգմանությունը բնագրերից **Ա. Տեր-Ղևոնդյանի**, Եր., 2005, էջ 276: տե՛ս նաև Баладзори, Книга завоевания стран, текст и пер. **Жузе П.**, Баку. 1927, стр. 15-16. **Նալբանդիան Հ.**, Արաբացի ոստիկանները Հայաստանում, ՀՍՍՌ ԳԱ տեղեկագիր հասարակական գիտությունների, Եր., 1956, №1, էջ 111-112, 113:

3 Օտար աղբյուրները., Բալազուրի, նշվ. աշխ., էջ 280, 366, տե՛ս նաև **Տեր Ղևոնդյան Ա.**, Արմինիայի ոստիկանների ժամանակագրությունը, «ՊԲՀ», Եր., 1977, №1, էջ 121: **Նալբանդիան Հ.**, նշվ. աշխ., էջ 111-112, 113, Մ., Բիթարյան *Արմինիայի արաբ ոստիկանների ժամանակագրությունը*. «ԼՀԳ», Եր., 1989, № 6, 96:

4 Средневековые исторические истпчники Востока и Запада, **Абу Мухаммад Ахмад ибн А'Сам ал-Кифи**, Книга завоеваний, част II, пер. **З. Буниатова**, Баку. 1981, стр. 18. Баладзори, նշվ. աշխ., стр. 20. Տե՛ս նաև Օտար աղբյուրները., Բալազուրի, նշվ. աշխ., էջ 280, **Ղևոնդ**, Պատմություն, թարգմանությունը, ներածությունը և ծանոթագրությունները **Ա. Տեր-Ղևոնդյանի**, Եր., 1982, էջ 109:

5 Средневековые исторические истпчники Востока и Запада., стр. 18.

6 **Ղևոնդ**, նշվ. աշխ., էջ 105:

7 Օտար աղբյուրները., Յակուբի, Պատմություն, էջ 374: Տե՛ս նաև **Տեր Ղևոնդյան Ա.**, նշվ. աշխ., էջ 123, **Նալբանդիան Հ.**, նշվ. աշխ., էջ 115:

810-811թթ.¹: 2 անգամ 825-826 և 829թթ. Հայաստանի ոստիկան է նշանակվել նաև Ահմադի որդի Աբդ ալ-Ալան²:

Ղ. Ալիշանը Քուրդոյից հետո Սյունիքի իշխան է նշում Վասակ Գ-ին՝ տալով նրան մոտ 22 (714-734 թթ.) տարվա իշխանություն³: Դժբախտաբար նա չի նշում իր աղբյուրը, ինչը չի հաստատվում պատմական այլ սկզբնաղբյուրներով: Ամենայն հավանականությամբ, Քուրդոյին հաջորդել է Բաբկեն իշխանը, որը հիշատակվում է Սյունիքի եպիսկոպոս Ստեփանոս Ա-ի ձեռնադրության հետ կապված տեղեկության մեջ: «Այն ժամանակ վախճանվել էր Սյունյաց Հովհան եպիսկոպոսը, իսկ Սյունիքի իշխանն էր Բաբկենը, ինչպես և Քուրդը, որոնք եկան Դավիթ կաթողիկոսի մոտ՝ նրանից խնդրելու մեծ իմաստասեր երանելի Ստեփանոսին⁴»: Նույն տեղեկությունը հաղորդում են նաև Մովսես Կաղանկատվացի (Մովսես Դասխուրանցի)՝ նշելով, որ «Բաբկենի ու Քուրդոյի խնդրանքով նա՝ **[Ստեփանոսը]** (մեջբերումն ու ընդգծումը մերն է՝ **Տ. Միրումյան**), ձեռնադրվում է Սյունիքի եպիսկոպոս»⁵ և Կ. Գանձակեցին «Եւ ձեռնադրե զնա տէր Դավիթ եպիսկոպոս Սիւնեաց, ի խնդրոյ Քուրդոյի եւ Բաբգենի իշխանաց Սիւնեաց»⁶: Այստեղ հիշատակվող Դավիթ կաթողիկոսը Հայոց կաթողիկոս Դավիթ Ա Կոտայեցին է (728-741թթ.), իսկ Հովհանը Սյունյաց եկեղեցու աթոռակալ Հովհան Բ-ն (725-734)⁷: Ստեփանոս Ա-ն (734-735), չնայած իր համբավին, աթոռակալել է ընդամենը մեկ տարի և սպանվել անառակ կնոջ ձեռքով «հայոց թվականության 184 թվականի Հրոտից ամսվա տասնհինգին»⁸: Այն համապատասխանում է մեր թվականության 735թ. հուլիսի 21-ին: Այս տեղեկությունները մեզ հիմք են տալիս ենթադրելու, որ Քուրդոյին հաջորդել է Բաբկենը, որը, մեր կարծիքով, Քուրդոյի որդին էր ու անմիջական հաջորդը: Կարելի է կազմել նաև նրա կառավարման մոտավոր ժամանակացույցը՝ 710-ից մոտ 740-ական թթ.: Նա Սյունիքի թվով երրորդ Բաբկեն իշխանն է⁹: Բաբկեն III-ի կինը Արկազ գյուղի պարոնի դուստր էր¹⁰: Բաբկեն III-ի հետ վկայված Քուրդը ամենայն հավանականությամբ նրա որդին էր և, ինչպես սովորաբար ընդունված էր Սյունիքի և մյուս իշխանական տներում, կրում էր պապի անունն ու իշխանական գահին հաջորդեց հորը: Բաբկեն III-ի դուստր էր Գողթան գավառի իշխան Վահանի կինը, որին Ալիշանը տվել է Սիսակունի գեղեցիկ անունը¹¹: Այսպիսով, կարող ենք կազմել 8-րդ դարի առաջին կեսի Սյունիքի իշխանների կառավարման հաջորդականությունը՝ **Քուրդո կամ Քուրդ I**՝ որդի Հովհան II-ի (691-709 թթ),

1 Օտար աղբյուրները, Յակուբի նշվ. աշխ., էջ 375: Տե՛ս նաև **Տեր Ղևոնդյան Ա.**, նշվ. աշխ., էջ 123-124, Հ. Նալբանդիան, նշվ. աշխ., էջ 115, 117:

2 Տեր **Ղևոնդյան Ա.**, նշվ. աշխ., էջ 125-126, տե՛ս նաև **Նալբանդիան Հ.**, նշվ. աշխ., էջ 119:

3 **Ալիշան Ղ.**, նշվ. աշխ., էջ 17:

4 **Օրբեյան Ստ.**, նշվ. աշխ., էջ 151:

5 **Մ. Կաղանկատվացի**, Պատմություն Աղվանից աշխարհի, Եր., 1969, էջ 251:

6 **Կ. Գանձակեցի**, Պատմություն Հայոց, աշխատասիրությամբ Կ. Մելիք-Օհանջանյանի, Եր., 1961, էջ 74:

7 **Օրբեյան Ստ.**, նշվ. աշխ., էջ 147, 444, ծանոթ. 354:

8 Նույն տեղում, էջ 153-155: Տե՛ս նաև Մ. Կաղանկատվացի, նշվ. աշխ., էջ 251:

9 Բաբկեն I (481-483թթ.)՝ հիշվում է Վահանաց պատերազմի ժամանակ (**Օրբեյան Ստ.**, նշվ. աշխ., էջ 104: **Ղազար Փարպեցի**, Հայոց պատմություն, Երևան 1982, էջ 295, 301-303, 315, 325, 329). Բաբկեն II (մոտ 520-530)՝ որդի Արտաշիրի, (**Օրբեյան Ստ.**, նշվ. աշխ., էջ 95):

10 **Աճառյան Հ.**, Հայ անձնանունների բառարան, հատոր Ա, Եր., 1942, էջ 353:

11 **Ալիշան Ղ.**, Յուզիկը Հայրենիաց Հայոց, Մխիթարեան Վ., հատոր Բ., Վենետիկ, 1870, էջ 159:

Բաբկեն III՝ որդի Զուրդ I-ի (709-740-ական թթ), **Զուրդ II**՝ որդի Բաբկեն III-ի (մոտ 740-760-ական թթ):

Մեր կարծիքով, Ալիշանը, **Զուրդ II**-ին թյուրիմացաբար նույնացնում է **Զուրդ I**-ի հետ և Բաբկեն III-ի հետ տեղափոխում 7-րդ դարի վերջ՝ նրա համար իշխանության տարիներ նշելով 683-693թթ.¹²:

Ելնելով ժամանակագրական տվյալներից՝ Զուրդ II-ի դուստրը պետք է լինի 10-րդ դարի պատմիչ Շապուհ Բագրատունու կամ Անանուն Չրուցագիրի «Պատմության» մեջ հիշատակված Սյունյաց իշխանի դուստրը, որն ամուսնացած էր Վասպուրականի իշխան Սահակ Արծրունու որդի՝ Դերենիկ I-ի հետ¹³:

8-րդ դարի երկրորդ կեսի Սյունիքի իշխանների անունների վերաբերյալ կարող ենք միայն ենթադրաբար դատողություններ անել, սակայն, հաշվի առնելով թոռանը պապի անունով անվանակոչելու վերոհիշյալ տարբերակը, կարող ենք մոտավոր կազմել նաև 8-րդ դարի վերջում իշխող Սյունյաց իշխանների մոտավոր ցանկը: Հայտնի է, որ 9-րդ դարի Սյունյաց մեծ իշխան Վասակը ունեցել է 3 որդի՝ Փիլիպե, Սահակ և Ատրներսեհ¹⁴: Փիլիպեն հոր Վասակի մահից հետո տեր է դառնում բուն Սյունիքին և գահերեց տիտղոսին¹⁵: Սահակը ստանում է Գեղամա գավառը և հիմք դնում Գեղարքունիքի գահակալ իշխաններ ճյուղին¹⁶: Ատրներսեհի մասին տեղեկությունները սահմանափակվում են 2-3 հիշատակությամբ՝ առանց նրա բաժին կալվածքի ու ժառանգների¹⁷:

Հաշվի առնելով Վասակ Նահապետի ավագ որդուն՝ **Փիլիպեի** անունը (ինչպես նշել ենք, որդուն պապի անունը դնելու սովորույթը)՝ կարող ենք ենթադրել, որ Վասակի հոր անունը ևս **Փիլիպե** էր: Իսկապես, **Փիլիպեի** անունը հանդիպում ենք 821թ. Դադիվանքում տեղի ունեցած եղերական դեպքի նկարագրության մեջ. «Այս Վարազ Տրդատին և իր որդի Ստեփանին սրանց ազգական Ներսեհ Փիլիպյանը միևնույն ժամին խորածորում սպանեց, որ կոչվում է **Դահույի վանք**»¹⁸: Նույն է վկայում նաև Ստ. Օրբեյանը. «Ի տյն ամի և տեր Ներսեհ Սիւնի՝ որդի Փիլիպպեի, սպանանէ վասն դիսութեան ինչ գվարազ Տրդատ՝ որդի Ստեփաննոսի Աղուանից իշխանի, և զորդին ևս նորա 'ի գոգ մօրն սատակէ»¹⁹: Փիլիպեի որդի Ներսեհը չէր կարող լինել Վասակ Նահապետի որդի Փիլիպեի որդին, ինչպես նշված է Ստ. Օրբեյանի աշխատության ծանոթագրության մեջ²⁰, այլ հաշվի առնելով ժամանակագրական տարբերությունը՝ նա կարող էր լինել միայն Վասակի եղբայրը, որով և կճշտվի Սյունիքի՝ 8-րդ դարի վերջի գահերեց իշխանի անունը: Ըստ երևույթին, նման եզրակացության է հանգել նաև Ալիշանը Սյունյաց իշխաններ իր կազմած ցանկում Վասակ Նահապետից առաջ նշելով Փիլիպե Գ-ին²¹: Փիլիպեն չէր կարող լինել նաև Միհրանյան տոհմի ներկայացուցիչ, քանի որ հստակ նշված է նրա՝ Սյունի իշխանական տան ներ-

12 Ալիշան Դ., Սիսական, էջ 14, 17:

13 <http://www.vostlit.info/Texts/rus4/Schapuch/frametext2.htm>

14 Օրբեյան Ստ., նշվ. աշխ., էջ 172, 204, 254:

15 Նույն տեղում, էջ 254:

16 Նույն տեղում, էջ 254:

17 Նույն տեղում, էջ 196-197, 204:

18 Մ. Կաղանկատվացի, նշվ. աշխ., էջ 266:

19 Ստեփանոսի Սիւնեաց եպիսկոպոսի Պատմութիւն տանն Սիսական ի լույս ընծայեաց Մկրտիչ Էմին, Մոսկվա, 1861, էջ 165, Մ. Կաղանկատվացի, նշվ. աշխ. էջ 255:

20 Նույն տեղում, էջ 449, ծանոթ. 411:

21 Ալիշան Դ., նշվ. աշխ., էջ 14, 17:

կայացուցիչ լինելու հանգամանքը և, բացի այդ, Միհրանյան տոհմի ամբողջ պատմության ժամանակաշրջանում նրանցից ոչ մեկը չի կրել **Փիլիպե** անունը:

Գտնում ենք, որ Փիլիպե I-ի կինը կարող էր լիներ Աղվանքի իշխանական տոհմից: Առավել հավանական է, որ նա լիներ Գագիկ Միհրանյանի դուստր **Ասպրամիկը**¹: Այս փաստի օգտին է վկայում Մ. Կաղանկատվացու վկայությունը Վարազ Տրդատի և Ներսեհ Փիլիպյան ազգակցական կապի առկայության մասին²:

Ստացվում է, որ Ներսեհ Փիլիպյանը սպանել է իր քեռի Ստեփանոսի որդուն և թոռանը, որով և բացատրվում է նրանց ազգակցականության աստիճանը:

Այսպիսով՝ դեռևս անհայտ է մնում միայն 8-րդ դարի 60-80-ական թվականներին կառավարած իշխանի անունը: Հիմք ընդունելով վերոհիշյալ տարբերակը՝ նա պետք է կրեր **Սահակ, Բաբկեն** կամ **Ատրներսեհ** անունը: Այս անուններն են կրում ոչ միայն Սյունիքի 9-րդ դարի իշխանների գլխավոր ճյուղի, այլև Սյունի իշխանական տոհմի կողմնային ճյուղերի և Արցախ-Ուտիքին տեր դարձած Սյունի Առանշահիկյան տան բազմաթիվ ներկայացուցիչներ:

Մեր կարծիքով, Սահլի հայր **Սմբատը**, Վասակ Նահապետի հայր **Փիլիպեն** ու Կովսականի իշխան Սահակի հայրը, որի անունը մեզ մնում է անհայտ, եղբայրներ են: Եթե հաշվի առնենք, որ բոլոր երեք ճյուղերում էլ երկրորդ կամ երրորդ սերնդում հիշատակվում է **Սահակ** անունը, ապա թվում էր, թե կարելի է վստահությամբ նշել Քուրդ II-ի և Փիլիպե I-ի միջև պակասող օղակը, որով ամբողջական տեսքի էր բերվում 9-րդ դարի Սյունյաց գահերեց իշխանների անվանացանկը:

Նույն անունն էին կրում Վասակ Նահապետի երկրորդ որդի՝ Գեղարքունիքի իշխան Սահակը, Կովսական-Քաշունիքի իշխան Սահակը և հետագայում Արցախին տեր դարձած Սահլ (Սահակ) Սմբատյանը:

Ստ. Օրբեյանի աշխատության մեջ նշված փաստերից մեկը, սակայն, հնարավորություն տվեց ճշտությամբ որոշել 8-րդ դարի 60-80-ական թվականներին կառավարած իշխանի անունը: Այդ վկայության համաձայն՝ Սյունիքի եպիսկոպոս տեր Հովակիմի աթոռակալության ժամանակաշրջանում «պատարագի ժամանակ սաստիկ հակառակություն տեղի ունեցավ գյուղաքաղաքների նախաթոռ գերադասության ու նախապատվության վերաբերյալ, թե որն է լինելու: Եվ Շաղատի խոսրովը՝ Գագանի սերնդից, շարադրված վճռագիրը ներկայացրեց աստվածապահ ու բնիկ տեր Ատրներսեհին՝ Սյունիքի իշխանին ու հայոց իշխանին»³: Ինչպես հայտնի է, Սյունիքի աթոռակալ եպիսկոպոսներից Հովակիմ անունով միայն մեկ եպիսկոպոս կա, որին Օրբեյանը տալիս է 17 տարվա աթոռակալություն⁴: Հովակիմը Ստեփանոս Ա-ից (734-735թթ.) հետո աթոռակալած Հովսեփ Բ-ի (735-752թթ.) հաջորդն էր, որն նույնպես պաշտոնավարել է 17 տարի և աթոռակալել է (752-769) թվականներին⁵: Նշենք, որ Գ. Գրիգորյանը «Սյունիքի պատմություն» աշխատության մեջ Հովակիմի աթոռակալության համար նշում է (772-789թթ.) թվականները՝ Ստեփանոս Ա-ից հետո

1 Մ. Կաղանկատվացի, նշվ. աշխ., էջ 266:

2 Նույն տեղում, էջ 266:

3 Օրբեյան Ստ., նշվ. աշխ., էջ 93:

4 Նույն տեղում, էջ 168, 386:

5 Brosset M., նշվ. աշխ., p. 98.

ավելացնելով Հովհան Բ-ին, որի անունը նշված չէ Օրբեյանի աշխատության մեջ՝ նրան տալով 9 տարվա (735-744թթ) պաշտոնավարություն¹: Այսպիսով, իմանալով Տեր Հովակիմի աթոռակալության տարիները՝ կարծում ենք, որ 8-րդ դարի 60-80-ական թվականներին կառավարած իշխանը կրել է **Ատրներսեհ** անունը: Ատրներսեհը հիշատակվում է նաև Սիոն I (767-775թթ.) կաթողիկոսի կողմից Պարտավում 768թ. հրավիրված ժողովի մասնակիցների թվում, որտեղ Հայոց իշխան Սահակ Բագրատունու, Սմբատ Բագրատունու, Վահրամ Խոռխոռունու, Սահակ Գողթնեցու և ուրիշ իշխանների հետ հիշատակվում են նաև Սյունիքի տեր Ատրներսեհն ու Սադովկ Սյունյաց եպիսկոպոսը²:

Ղ. Ալիշանը այս բաց տարիների համար նույնպես նշում է **Ատրներսեհ** անունը՝ համարելով նրան Փիլիպե Գ-ի հայր և Փիլիպե Բ-ի որդի ու Վասակ Գ-ի թոռ³: Կարծում ենք, այստեղ Ալիշանին շփոթության մեջ է գցել Ստ. Օրբեյանի աշխատության մեջ հայոց 176 թվականին (727թ.) տեղի ունեցած դեպքերի նկարագրությունը, որի համաձայն, երբ արաբ ամիրա Մրվանը գալիս է Սյունիք, «հաստատվում է Շաղատ բերդագյուղում. կամենում է Սիսական գեղեցիկ նահանգը ևս ավերել: Չորքը կենտրոնացնում է այնտեղ՝ Ճղուկ գավառում: Ապա Սյունիքի տեր և իշխանաց իշխան Վասակը գնում և Ատրպատականից բերում է պարսիկ Բաբանին ու փախուստի մատնում: Բայց ինքը նույն տարում վախճանվում է»⁴: Սակայն դեպքերի հետագա շարադրանքից պարզ է դառնում, որ այդ իրադարձությունը տեղի է ունեցել ոչ թե 727թ., այլ 821թ., քանի որ Օրբեյանը միևնույն թվականին է վերագրում Վասակ իշխանի մահը և Աղվանքի իշխան Վարազ Տրդատի սպանությունը⁵: Ըստ երևույթին՝ Օրբեյանի նշած թվականը վրիպակ է, որի ճիշտ՝ հայոց 270 (821թ.) թվականը հանդիպում ենք Կաղականտվացու մոտ⁶: Այս շփոթմունքի պատճառով էլ Ալիշանի կազմած Սյունյաց 8-րդ դարի սկզբի իշխանների ցանկը նույնությամբ կրկնում է 9-րդ դարի սկզբի իշխանների ցանկը⁷: Բացառելով Վասակ Գ-ի և Փիլիպե Բ-ի գոյությունը՝ համամիտ ենք նրա կազմած Սյունյաց իշխանական տան հետագա իշխանների անունների ցանկի հետ՝ գտնելով, որ Քուրդ II-ին հաջորդել է Ատրներսեհը, իսկ այնուհետև՝ Փիլիպե I-ը:

Ինչպես ընդունված էր ժամանակի իշխանական տոհմերում, Սյունյաց իշխանական տունը ևս ինսամիական կապերով կապված էր մյուս իշխանական տներին: Ուստի, հավանական է, որ Ատրներսեհի կինը լիներ Բագրատունյաց տոհմից, հավանաբար 753-770թթ. Հայոց իշխան Սահակ III Բագրատունու դուստրը:

Թերևս այս հանգամանքով կարելի է բացատրել այն իրողությունը, որ, 9-րդ դարից սկսած, Սյունյաց իշխանական ընտանիքում կարելի է հաճախ հանդիպել **Սահակ, Սմբատ և Աշոտ** անունները, որոնք հիմնականում կրում էին Բագրատունի տոհմի ներկայացուցիչները, և որոնցով մինչև այդ Սյունյաց տոհմում

1 **Գրիգորյան Գ., Ս. Հախվերդյան**, Սյունիքի Պատմություն, Եր., 2001, էջ 253:

2 **Տաշյան Յ.**, Մայր ցուցակ հայերեն ձեռագրաց Մատենադարանին Մխիթարեանց ի վիեննա, Վիեննա, 1895, էջ 653:

3 **Ալիշան Ղ.**, նշվ. աշխ., էջ 14, 17:

4 **Օրբեյան Ստ.**, նշվ. աշխ., էջ 165:

5 Նույն տեղում, էջ 165:

6 **Ս. Կաղանկատվացի**, նշվ. աշխ., էջ 255:

7 **Ալիշան Ղ.**, նշվ. աշխ. էջ 17:

չէին անվանակոչում: Ն. Ադոնցը նույնպես գտնում է, որ. «Ոչ Աղվանքի և թջ էլ Սյունյաց իշխանական տոհմերի մեջ չի պատահում Սմբատ անունը նախքան նրանց Բագրատունիների հետ խնամություն հաստատելը»¹:

Ատրնեբսեհից հետո Սյունյաց իշխանական տունը բաժանվում է 3 ճյուղի: Նրա ավագ որդին՝ Փիլիպե I-ը, տեր է դառնում Սյունիքի մեծագույն մասին և գահերեց տիտղոսին, երկրորդ որդի Սմբատը տեր է դառնում Վայկունիքին և հիմք դնում Արցախի իշխանական նոր տոհմին, իսկ երրորդ որդին, որի անունը մեզ անհայտ է (թերևս հնարավոր էր կրեր **Հրահատ** անունը՝ հաշվի առնելով ավագ թռռան անունը), սակայն հայտնի են նրա Սահակ որդու և հաջորդների անունները, հիմք է դնում Կովսական-Քաշունիքի գահակալ իշխանությանը:

Կովսականի իշխան Սահակը մահացել է մինչև 844թ., քանի որ այդ թվականով թվագրվող հիշատակության մեջ նրա որդի Հրահատը հիշվում է որպես Կովսականի ու Քաշունիքի իշխան²: Այս Հրահատը ամուսնացել էր Վասակ Նահապետի դուստր Քուլպղիդուխտի հետ³, որին Ութմազյանը սխալմամբ համարում է Վասակի որդի Փիլիպե I-ի դուստր⁴: Հաշվի առնելով Կովսականի իշխան Սահակի գործունեության ժամանակաշրջանը՝ միանգամայն հավանական է, որ նա լիներ Վասակ Նահապետի՝ մեզ անհայտ անունով հորեղբոր որդին և, որպես ժառանգական տիրույթ, իր հայր Ատրնեբսեհից ստանար Սյունիքի հարավային գավառները՝ Կովսականն ու Քաշունիքը:

Վասակ Նահապետի մյուս հորեղբայրն էր հետագայում Արցախին տիրացած Սահլ-Սահակի հայր Սմբատը: Հետագոտողների մի մասը Սմբատին համարում է Բագրատունի⁵: Սահլին և նրա հաջորդներին Բագրատունի համարելը արդարացիորեն բացառում են հարցին անդրադարձած հեղինակներից Բ. Ուլուբաբյամը և Հ. Սվազյանը⁶:

Մեր նյութի քննության շրջանակից դուրս է նաև Սահլ Սմբատյանի հաջորդների տոհմագրությունը: Սակայն չպետք է մոռանալ այն հանգամանքը, որ Սահլ Սմբատյանը հիշատակվում է որպես Սյունիքի տեր ու Հայկյան տոհմի ներկայացուցիչ⁷: Ճիշտ է, նույն Սահլը վկայվում է նաև իբրև Առանշահիկ կամ Եռանշահիկ ու նույնիսկ նշվում է նրա Չառմիհրական արքաների տոհմին պատկանելը⁸: Անհրաժեշտ ենք համարում նշել, որ Չառմիհրական տոհմը ծագում է հայ Արշակունիներից⁹, և մեր պատմիչներից ոչ մեկը Արշակունիներին **Հայկյան** կամ **Հայկազյան** տոհմանուններով չի կոչել, սակայն շեշտել են այդ հանգամանքը: Կարծում ենք, այստեղ **Առանշահիկ** կամ **Եռանշահիկ** անվանու-

1 **Ադոնց Ն.**, Երկեր Ե հատորով, հ. Ա, «Պատմագիտական ուսումնասիրություններ», Բագրատունյաց փառքը, Եր., էջ 2006, 509:

2 **Օրբեյան Ստ.**, նշվ. աշխ., էջ 198:

3 Նույն տեղում, էջ 204:

4 **Ութմազյան Հ.**, Սյունիքը IX-X դարերում, Եր., 1958, էջ 320:

5 **Ադոնց Ն.**, նշվ. աշխ., էջ 506-525, տե՛ս նաև **Բարխուդարյան Ս. Գ.**, Արցախի, Շաքիի և Փամխտսի իշխանությունները 9-10-րդ դդ., «ՊԲՀ», Երևան 1971, №1, էջ 58-68, Ալիշան, Շիրակ, Վենետիկ, 1881, էջ 96:

6 **Ուլուբաբյան Բ.**, Խաչենի իշխանությունը IX -XIV դդ., Եր., 1975, էջ 65-72, տե՛ս նաև Հ. Սվազյան, Արցախյան աշխարհը Միհրանյան տոհմի վերացումից հետո, «ԼՀԳ», Եր., 2012, №1, էջ 6-7:

7 **Մ. Կաղանկատվացի**, նշվ. աշխ., էջ 266:

8 Նույն տեղում, էջ 255, 259:

9 **Մ. Խորենացի**, Հայոց պատմություն, Եր., 1990, էջ 166, տե՛ս նաև **Փ. Բուզանդ**, Հայոց պատմություն, Եր., 1987, էջ 27-31, **Մ. Կաղանկատվացի**, նշվ. աշխ., էջ 31:

մը պետք է հասկանալ ոչ թե որպես տոհմանուն, այլ տիտղոս, այսինքն՝ Առանի կամ Աղվանքի թագավոր, ինչպես՝ **Շիրվանշահ**՝ Շիրվանի թագավոր և այլն: Այս տիտղոսները ունեն պարսկական ծագում և հանդես են գալիս Սասանյան շրջանից¹: Հ. Զյուրտյանը գտնում է, որ «Սահլ Սմբատեանի Կաղանկատուացիէ տրուած Եռանշահիկ կոչումը անելի տիտղոս մըն է ժառանգական»²: Վ. Միտրոսկին նույնպես գտնում է, որ Եռանշահիկ անվանումը տիտղոս է և այն կրում էին նաև Միհրանյանները³: Պետք է հաշվի առնել, որ Սահլ Սմբատյանի կալվածքները սկզբնական շրջանում ընդգրկել են **Ծար** երկիրը, «որը սկսվում է Սյունյաց Սողից և կազմում է հին Վայկունիքի մի մասը, Ականան և Կակառը, որոնք հիշատակվում են ԺԳ դարում և գտնվում են Սյունյաց սահմաններում»⁴: «Ծար երկիրը գրավում է Տրտուկի միջին հոսանքը, Սողքի մի մասն է կազմում և գտնվում է Սյունիքում»⁵: Նույնն է նշում նաև Վարդան Վարդապետը՝ «Սողքի գավառը Ծարի երկիրն է»⁶: Նույն տեղեկությունը մենք տեսնում ենք նաև «Աշխարհացոյց»-ում⁷: Իր հերթին Օրբեյյանը Վայկունիքի բոլոր գյուղերը Սողք գավառի մեջ է թվարկում⁸: Մ. արքեպիսկոպոս Սմբատեանցը գտնում է, որ Վայկունիքը և Սողքը նույնն են.՝ «Այս Սողից գաւառը կարծես իւրաքանչիւր տիրող իշխանութեան ժամանակ մի նոր անուն է ստացել. զօ. Ռմբոսեան գաւառ, Սողից գաւառ, Արտից գաւառ, Մաղաղ, Գեղամարակ, Վայկունիք ևլն»⁹: Այս փաստերը հերքում են այն պնդումը, որ «միջնադարյան իրականության մեջ Սողքը երբեք չի վերաբերել Սյունիքին»¹⁰: Այսպիսով, կարելի է եզրակացնել, որ մինչև 9-րդ դարը Վայկունիքը Սողքի հետ որպես մեկ ամբողջական գավառ գտնվում էր Սյունյաց իշխաների ենթակայության տակ, և Սմբատը կամ Սահլ Սմբատյանը, որպես պապենական ժառանգություն, ստացել են իրենց նախնիներից: Թովմա Արծրունու վկայությամբ՝ նրա կալվածքներից էր նաև Շաքին¹¹: Կարծում ենք, ճիշտ չէ Շաքին նույնացնել Անդրկուրյան կամ բուն Աղվանքի Շաքի (ներկայիս՝ **Նուխի**) բնակավայրի հետ, չնայած Բաբել Խուռամյանի ձերբակալումից հետո նրա հեղինակությունը և հզորությունը զգալիորեն մեծացել էր¹², սակայն, այնուամենայնիվ, Սյունի-Առանշահիկյան այս նոր տոհմը դեռևս չէր իշխում Անդրկուրյան տարածքների վրա: Նույնիսկ նրա որդի Ատրներսեհը հոր գերի տարվելուց հետո իշխում էր միայն Վերին Խաչենի ու Ծարի վրա¹³: Գտնում ենք, որ Թ. Արծրունու հիշատակած Շաքին Ալախ գավառի Շաքի գյուղը կամ

1 Баладзори, նշվ. աշխ., стр. 7.

2 **Զյուրտյան Հ.**, Բաբակ և իյն Սմպատ, «Բագմավեպ», Վենետիկ, 1958, էջ 74:

3 **Минорски В.**, История Ширвана и Дербенда X-XI веков, Москва, 1963, стр.30.

4 **Ալիշան Ղ.**, Արցախ, Եր., 1993, էջ 12:

5 Նույն տեղում, էջ 19:

6 Աշխարհացոյց Վարդան Վարդապետի, Փարիզ, 1860, էջ 12:

7 **Երեմյան Ս.Տ.**, Հայաստանը ըստ «Աշխարհացոյցի», Եր., 1963, էջ 117:

8 **Օրբեյյան Ստ.**, նշվ. աշխ., էջ 397-398:

9 **Մ. արքեպիսկոպոս Սմբատեանց**, Տեղագիր Գեղարքունի ծովագարդ գաւառի, որ այժմ Նոր-Քայագիտ գաւառ, Վաղարշապատ, 1895., էջ 32:

10 **Ուլուբաբյան Բ.**, նշվ. աշխ., էջ 47:

11 **Թովմա Արծրունի և Անանուն**, Պատմություն Արծրունյաց տան, Եր., 1978, էջ 202-203:

12 Օտար աղբյուրները Հայաստանի ու հայերի մասին, Արաբական աղբյուրներ, **Բ, Իբն ալ-Ասիր**, թարգմ. բնագրից, առաջաբանը և ծանոթագրությունը **Ա. Տեր Ղևոնդյանի**, Եր., 1981, էջ142-144, տե՛ս նաև Օտար աղբյուրները Հայաստանի ու հայերի մասին, Արաբական աղբյուրներ, Գ, նշվ. աշխ., **Աբու Հանիֆա ալ- Դիևավարի**, Մատյան երկարապատում ավանդույթների, էջ 218, Յակուբի, Պատմություն, էջ 387:

13 **Ուլուբաբյան Բ.**, նշվ. աշխ., էջ 71:

բերդ էր Սիսիանի մոտ: 4. Մինորսկին ևս հավանական է համարում Շաքիի նույնացումը Սիսիանի Շաքիի հետ¹: 2. Բունիաթովը ևս գտնում է, որ Թ. Արծրունու հիշատակությունը ճիշտ է և Շաքին տեղայնացնում է Սիսիանի Շաքի բնակավայրի հետ, սակայն ադրբեջանցի պատմաբաններին հատուկ կեղծարարությամբ այդ փաստը փորձում է օգտագործել ապացուցելու, թե իբրև Սահլ Սմբատյանը «աղվան» իշխան է, իսկ Սյունիքն էլ Աղվանքի մի մասն է կազմել²:

Այս բոլոր փաստերը ապացուցում են, որ Սահլ Սմբատյանը սերում է Սյունի իշխանական տոհմից և ոչ թե բռնությամբ կամ զենքի ուժով էր տիրացել Սողո-Վայկունիքին ու դրա համար է դարձել Սյունիքի տեր ու Սյունի, այլ այդ գավառը ստացել էր՝ որպես հայրական ժառանգություն:

Փիլիպե I-ի որդիներն էին **Ներսեհ Փիլիպյանը**, որը 821թ. սպանեց Աղվանքի իշխան Վարազ Տրդատ Միհրանյանին³, և 9-րդ դարի Սյունիքի առաջին գահերեց իշխան **Վասակ III-ը**, որի կառավարման տարիներն էլ համապատասխանաբար կլինեն 800-ական թթ սկզբից մինչև 821թ.: Հնարավոր է, որ Փիլիպե I-ի որդին լիներ նաև Սյունյաց եպիսկոպոս Դավիթ II-ի (840-857թթ)⁴ օրոք գահերեց իշխան հիշատակվող **Գրիգորը**⁵՝ Հրահատ և Գագիկ իշխանների հայրը⁶: Նրա գահերեց տիտղոսի հիշատակումը վկայում է դեռևս նախարարական շրջանին հատուկ ավագության ինստիտուտի առկայության մասին, երբ տոհմի ամենատարեց անդամն էր համարվում տոհմի տանուտերը:

Կարծում ենք, որ Ներսեհ Փիլիպյանի բաժին կալվածքը Բաղք գավառն էր: Այն փաստը, որ Վարազ Տրդատի սպանությունից մի քանի տարի անց՝ 826 թ.-ին Միհրանյան իշխանական տան կողմնային ճյուղի ներկայացուցիչ Ստեփանոս Աբլասաղը Բաբեկի օգնությամբ իր ազգական Վարազ Տրդատի սպանության համար վրեժ է լուծում Բաղասական աշխարհից⁷, վկայում է, որ Ներսեսը իսկապես տիրում էր Բաղքին: Լեոն նույնպես գտնում է, որ Ստեփանոս Աբլասաղի և Բաբեկի կողմից Բաղաց աշխարհի և Բերձորի ավերումը Վարազ Տրդատի սպանության վրեժխնդրության արդյունք էր⁸:

Վասակ III-ի մահից հետո Սյունիքի կենտրոնական իշխանությունից բաժանվում է ևս մեկ իշխանական կալվածք՝ Գեղարքունիքի գահակալ իշխանությունը, որը գոյատևում է մինչև 10-րդ դարի 20-ական թթ.⁹:

Այսպիսով՝ մատենագրական սակավ տեղեկությունների համեմատական քննության արդյունքում կարող ենք կազմել 8-րդ դարի Սյունյաց իշխանների ցուցակը: Ստորև ներկայացնում ենք Սյունյաց իշխանների՝ մեր կազմած հաջորդականությունը և նրանց կառավարման մոտավոր տարիները՝

1. Զուրդո I կամ Զուրդ I՝ որդի Հովհան II-ի՝ Սյունիքի իշխան (691-709թթ.),
2. Բաբկեն III՝ որդի Զուրդ I-ի՝ Սյունիքի իշխան (709-մոտ 740թթ.),
3. Զուրդ II՝ որդի Բաբկեն III-ի՝ Սյունիքի իշխան (մոտ 740-760-ական թթ.),

1 **Минорски В.**, նշվ. աշխ., стр.30.

2 **Бунятов З.**, Азербайджан вVII-IX вв., Баку, 1965, с. 184-190. տե՛ս նաև նույնի, Новые данные о местонахождении крепости Шаки. ДАН Азерб. ССР, 1959, т. XV, №9. с. 869-871.

3 **Մ. Կաղանկատվացի**, էջ 255, Օրբեյյան Ստ., նշվ. աշխ., էջ 165:

4 **Օրբեյյան Ստ.**, նշվ. աշխ., էջ 195, 464, ծանոթ. 594:

5 **Օրբեյյան Ստ.**, նշվ. աշխ., էջ 195:


6 **Օրբեյյան Ստ.**, նշվ. աշխ., էջ 197, տես նաև **Ութմազյան Հ.**, նշվ. աշխ., էջ 315-319:

7 **Մ. Կաղանկատվացի**, նշվ. աշխ., էջ 256, Օրբեյյան Ստ., նշվ. աշխ., էջ 166:

8 **Լեո**, Երկերի ժողովածու, հ. II, Եր., 1967, էջ 419:

9 **Ութմազյան Հ.**, նշվ. աշխ., էջ 306-315:

4. Ատրնեբսեհ՝ որդի Ջուրդ II-ի՝ Սյունիքի իշխան (մոտ 760-780-ական թթ.),
5. Փիլիպե I՝ որդի Ատրնեբսեհի՝ Սյունիքի գահերեց իշխան (մոտ 780-800 թթ.),
6. Վասակ III որդի Փիլիպե I-ի՝ Սյունիքի գահերեց իշխան (մոտ 800-821 թթ.):



JIRAYR MIRUMYAN - THE RULING HOUSE OF SYUNIK IN THE 8th CENTURY - The sources about the Ruling house of Syunik in the 8th century are scarce. We have briefly presented the approximate ruling timetables of princes of Syunik in the early 8th century in the article, about which St. Orbelyan, M. Kaghankatvatsi report not complete information. We tried to form the list of Syunik princes' names of the 8th century in approximate accuracy and the question of belonging to ruling dynasties of some of their wives in the result of comparative study of historic information.

Key words: The ruling house of Syunik, the years of ruling, 8th century, timetable, refer to, nomenclature

ЖИРАИР МИРУМЯН - СЮНИКСКИЙ ДОМ В 8 ВЕКЕ - Первоисточников о княжеском доме 8 века Сюника мало. В статье кратко представлены приблизительные периоды правления князей Сюника в 8 веке, о которых Ст. Орбелян, М. Каланкатвацци сообщают недостаточные сведения.

В результате сравнительного анализа исторических сведений пытались с приближительной точностью составить список имен князей Сюника восьмого века и вопрос родовой принадлежности некоторых из их жен.

Ключевие слова: княжеский дом Сюника, годы управления, 8 век, хронология, упоминать, список имен.

ԳՐԱԿԱՆՈՒԹՅՈՒՆ ՍԿՉԲՆԱԴԲՅՈՒՐՆԵՐ

1. Թովմա Արծրունի և Անանուն, Պատմություն Արծրունյաց տան, Երևան, 1978:
2. Փավստոս Բուզանդ, Հայոց պատմություն, Երևան, 1987:
3. Գանձակեցի Կ., Պատմություն Հայոց, աշխատասիրությամբ Կ. Մելիք-Օհանջանյանի, Երևան, 1961:
4. Ղևոնդ, Պատմություն, թարգմանությունը, ներածությունը և ծանոթագրությունները Ա. Տեր-Ղևոնդյանի, Երևան, 1982:
5. Խորենացի Մ., Հայոց պատմություն, Երևան, 1990:
6. Կաղանկատվացի Մ., Պատմություն Աղվանից աշխարհի, Երևան, 1969:
7. Պատմություն Սեբեոսի, Երևան, 1979:
8. Ստեփանոսի Սիւնեաց եպիսկոպոսի Պատմութիւն տանն Սիսական ի լույս ընծայեաց Մկրտիչ Էմին, Մոսկվա, 1861:
9. Աշխարհացոյց Վարդան Վարդապետի, Փարիզ, 1860:
10. Օրբելյան Ստ., Սյունիքի պատմություն, Երևան, 1986:
11. Օտար աղբյուրները Հայաստանի ու հայերի մասին, Արաբական աղբյուրներ, Բ, Իբն ալ-Ասիր, թարգմ. բնագրից, առաջաբանը և ծանոթագրությունը Ա. Տեր Ղևոնդյանի, Երևան, 1981:
12. Օտար աղբյուրները Հայաստանի ու հայերի մասին, Արաբական աղբյուրներ, Գ, թարգմ. բնագրից, առաջաբանը և ծանոթագրությունը Ա. Տեր Ղևոնդյանի, Երևան, 2005:
13. Баладзори, Книга завоевания стран, текст и пер. П. Жузе, Баку, 1927.
14. Средневековые исторические истпчники Востока и Запада, Абу Мухаммад Ахмад ибн А'Сам ал-Кифи, Книга завоеваний, част II, пер. З. Буниатова, Баку, 1981.
15. <http://www.vostlit.info/Texts/rus4/Schapuch/frametext2.htm>.

ՈՒՍՈՒՄԱՍԻՐՈՒԹՅՈՒՆՆԵՐ

1. Ադոնց Ն., Երկեր Ե հատորով, հ. Ա, Երևան, 2006:
2. Աճառյան Հ., Հայ անձնանունների բառարան, հատոր Ա, Երևան, 1942, էջ 353:
3. Ալիշան Ղ., Յուզիկը Հայրենիաց Հայոց, Վ. Մխիթարեան, հատոր Բ., Վենետիկ, 1870, էջ 159:
4. Ալիշան Ղ., Շիրակ, Վենետիկ, 1881:
5. Ալիշան Ղ., Սիսական, Վենետիկ, 1898:
6. Բարխուդարյան Ս. Գ., Արցախի, Շաքիի և Փառհսոսի իշխանությունները 9-10-րդ դդ., «ՊԲՀ», Երևան, 1971, №1:
7. Բիթարյան, Մ. *Արմինիայի արաբ ոստիկանների ժամանակագրությունը*, «ԼՀԳ», Երևան, 1989, № 6:
8. Գրիգորյան Գր., Հախվերդյան Ս., Սյունիքի Պատմություն, Երևան, 2001:
9. Երեմյան Ս.Տ., Հայաստանը ըստ «Աշխարհացոյցի», Երևան. 1963:
10. Լեո, Երկերի ժողովածու, հ. II, Երևան, 1967:
11. Տեր Ղևոնդյան Ա., Արմինիայի ոստիկանների ժամանակագրությունը, «ՊԲՀ», Երևան, 1977, №1:
12. Նալբանդիան Հ., Արաբացի ոստիկանները Հայաստանում, ՀՍՍՌ ԳԱ տեղեկագիր հասարակական գիտությունների, Երևան, 1956, №1:
13. Ուլբազյան Հ., Սյունիքը IX-X դարերում, Երևան, 1958:
14. Ուլուբաբյան Բ., Խաչենի իշխանությունը IX -XIV դդ., Երևան, 1975:
15. Մ. արքեպիսկոպոս Սմբատեանց, Տեղագիր Գեղարքունի ծովազարդ գաւառի, որ այժմ Նոր-Բայազիտ գաւառ, Վաղարշապատ, 1895:
16. Սվազյան Հ., Արցախյան աշխարհը Միհրանյան տոհմի վերացումից հետո, «ԼՀԳ», Երևան, 2012, №1:
17. Տաշյան Յ., Մայր ցուցակ հայերեն ձեռագրաց Մատենադարանին Մխիթարեանց ի Վիեննա, Վիեննա, 1895:
18. Զյուրտյան Հ., Բաբակ և իպն Սմպատ, «Բազմավեպ», Վենետիկ, 1958:
19. Буниятов З., Азербайджан вVII-IX вв., Баку, 1965.
20. Буниятов З., Новые данные о местонахождении крепости Шаки. ДАН Азерб. ССР, 1959, т. XV, №9.
21. Минорски В., История Ширвана и Дербенда X-XI веков, Москва, 1963.
22. Histoire de la Sioune par Stephannos Orbelian; traduite de l'armennien par M. Brosset, second livraison, introduction, Saint-Petersbourg, 1864,